


Selected Scriptures in Yipma/Wagamwa



Selected Scriptures in the Wagamwa dialect of the Yipma language (parts of John, 1 John, Romans, and Hebrews).

**Selected Scriptures in Yipma/Wagamwa
Selected Scriptures in the Wagamwa dialect of the Yipma
language (parts of John, 1 John, Romans, and Hebrews).
Sampela hop long Nupela Testamen long tokples Yipma
Wagamwa long Niugini**

copyright © 2011 Wycliffe Bible Translators, Inc.

Language: Yipma/Wagamwa (Yipma)

Dialect: Wagamwa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 21 Feb 2024 from source files dated 31 Aug 2023
83ddb8-cd0d-50af-8313-6fdd3ace43da

Contents

Soni	1
Romi	5
Yibiru	9
1 Soni	11
Godiyai	13

Yagaala Tewaanya' Soni yidabagesi.

Godiyarine Yagaalyai (Jisaasi) mwaarigerinesi.

1 Sinyamwinyagaa' kigaakuna Kwaaga taba' myima'nyamwi Godiyarine Yagaalyai mwaryaagemwinyi. Nabaai, Godiyai mwaaragemwi kaminyimwi Godiyarine Yagaalyai mwaari'. Gotiyarine Yagaalyai sagwai Godiyai.

2 Sinyamwinyagaa' kunegaa' aayamwidaa'nyi Godiyalyi sagwai mwaribainyna yaagelyi. **3** Godiyai sara kyabwira' sagwai wiyangi sara wagagei. Aane piri' kiri' kami sabi yima'naga' mi'. Aawa, sagwai wagagengi wiya sa. **4** Sinyamwi sagaa' sagwari kaalyabwi waragelyi. Kaala sabwi a'mwe wiyyaraabire Paagelyi. Yiniga sai a'mweinaabina kunya tewaanya yabwirya'ne nejaabinigerina. Kunya tewaanya yabwirya'ne wijaabina kaneya' paaga sabi nabyyaa mwaindaanyaine. (Godiyarina nabyyaa yabwitaanyaine.) **5** Saburidaa'nyi siginya kayaa'nayaburi Godiyare paage' wannynina. Nabaai siginya sa' paagebi mwabilayinigesi.

6 Godiyai yabwi'na "A'mwera paagebi mwaaimbiga!" yabwiraga sinyamwi a'mweri widaasagelyi. Sai Soni (pabitaa jiyi yandei) widaasagelyi. **7** A'mwe sagwai saliguragi'nei pina. "A'mweraabi a'mwengi Jisaasi Paagerina wijaliguraganal!" taga widaasagei pina. "Kadiga wi'napiji Naangeri limwagapiga!" tagei pina. **8** Soni kami sai Paagei mika! Aawa. "Paaga nabwi'nya sarina saliguraganal!" tagelyira. **9** Tibi Paagei Kwaaga tabagi waraabaga a'mwe kajainajainaabina Paaga nebulya'nanyalyi. A'mwe wiyyainaabi kunya tewaanya yabwirya'ne nejaabandei.

10 Nabaai, Kwaaga tabagi sai pamwaaina ya'. Sinyamwi Godiyai kyabwira' sagwai Kwaaga taba' sara wagina. Sara wagina yaga pamwaaina kya' kiri' Kwaaga Tabagi mwaaryara kami sagwari myabwiramaaryi yesalyi. **11** Kamnya Anga Yijirelina pina yaga mwaaindaasi kamijiyara mamaaryi. **12** Sara yina yeba mamaaryi kye' kiri' a'mwera pwara "Nebulyasira. Naangelyira," teba maarina ye'. Maarina kye' sal wiya saraabi kamnya tiraginyabwi wijaabina ya'. Kamnya tiraginya sabwi sagwara Godiyale kwaimiraayara yima'nyi'nebuli. Kami sagwarinaji kamire yeyababinaji limwagatibisaraabinebuli. Yi sagwara mudigera yima'nyina ye'. **13** A'mweraabire yijabagaabidaa'nyi tawengina mudigera myima'nyina. Aawa. Kiraagejigija sindujaburi mudigera myima'nyina. Aawa. A'mweraabire tiraginyabi mudigera myima'nyina. Aawa. Godiyai kebwi yabwi'na "Sagwara nimire kwaimiraayara mudigeraabi yawaginima!" kada' yima'nigabinigengi.

14 Godiyarine Yagaalyai a'mwe kiraa'nagei yima'nyina yagei neminyimwi kamnya seli ange' yiradaakuna. Kamire kiraagejigi wiramwaaina yina yandaasi tinya tara wangano' "O, Nabwi'nyai tiraginaangei taaga!" Sara tandaan kamire paagebi tinya wangano. Kanimaangeridaa'nyai kambei yamaginarigabaaimbiba paaga sasi. Sagwari yuneba yanga kaimwangebuli nebulyabulyi maanga yegu'nigelyi.

15 A'mwe Soni kaminyina nejaliguraganda saga tara tanganna "A'mwe tajarina yinggidelyi. Nimi Godiyale yagaala kyinggidimwa tibiya pwai poji yinggidibwaagadei Naangelyi. Nimi sagwainyi migi! Nimi maarigeinyira/wabeinyira. Nimi myima'nyagaa' kuna mwaryaage'na Sinyamwinyalyi.

16 Sagwai maanga yegu'nigebidaa'nyi nemi wiyyainaabina wana nabwi'nya nejaabande'na tewaanna mwaago. Neminyi kamire yanga kaimwange' gaimwange' nejaabanda nejaabinigelyi. **17** Sare' Godiyai kuja' Ne Mojiji

Godiyale Kimwinya tewaanya' wijaabina. Wijaabina neyinige' neminyimwi Godiyai Kiraajitiya Jisaasiri widasaabina. Widasaabina kyini' sagwari neminyina yanga kainwangebuli nebulyabulyi yima'ninige'nanyi.

¹⁸ Godiyari a'mwe Kwaaga tabagiyaina wangandaanyarina mi'. Aane pwai kwai tinya mwanganyi. Aawa. Godiyai, kambei kanimaangeryaba kusimagine mwaariegi neminyi yibwaridaakwia neyigelyi.

Jisaasi neminyinneba paragarinesi.

²⁹ Mwanyigaa' Soni mwaaraga Jisaasi pageri tinya wanganasaasina yaga a'mweraabi widina "Yidaanyi! Tajai Godiyalei Sipijipiya timwinyara! Kayaa'nayanna a'mwera sipijipiyyari lamina yandibi' kwaraanyaaba Godiyarina tiga nasi'na yandebaamibi' sai Kwaagebagi mwaaryainaabire kayaa'nayanna marasisa'na paradelyi. ³⁰ Sagwarina yinggidandinyalyi. "Nimi pimeinyi, tibi a'mwei padelyi. Nimi myima'nyagaa' sai kuna mwaaryaaagalyi. Sai sinyamwinyai Naangalyi. Nimi wabeinyira. ³¹ 'Pojiyai Naanga Kwariner,' yabwirena kaminyi myabwiranganyainyi. Aawa. 'Sagwarina Yijireliyaraabi yibwaridaakwia'na yima!' tena pima. Aarya yinggyandinya (libamabandinya) sabi tara sabwiryinde' 'O, sai Naangai taaga!'

³² Soni tinya mena paiginaraga a'mwe Sudaayaraabi wijaliguragina "Sugunyabi Godiyalebadaa'nyi Kuryai Tewaanyai kwaamiryaimbisai waraabina yaga a'mwe sari mwaaribainigar tinya wanganerina. ³³ Sinyamwi kaminyi myabwiranganyainyi. Aawa. Pabitaajiya'na nyidasaabagai sagwai nyinda' 'Tibidaa'nyi tara tongandeiginyi. Kurya Tewaanyai a'mwe pwari pwaramwaaina yaja' wanganakiji tara sabwite' 'Ai, sai a'mweraabina Kurya Tewaanyari yanga wijaabadei taaga!' Kimi aaryabi pabitaajiya' side' sai Kuryari pabitaajiya' yadelyi.' ³⁴ Sara widina nyage' tinya nabysaa wangameinyi yinggijaliguragibaiga. Sai Godiyale Kawaaribaangalyira."

3

¹ Sudaaya pwara Perijigimwinya yandibi' mwaarina yebe pwai Nikodimaajai wo'nigai Perijiyai mwaarina yagalyi. Sai a'mwe naangai Sudaayaraabi maremwaaindei mwaaragalyi. ² Mwaarina yaga sagwija piribi Jisaasiryimwi pina yaga pamwaaina yaga widina "Widibwaagyaigi/ yibwaagyaigi 'Godiyai kidasimwaabigaigi pagina widibwaagyaina neyibaigi. Sare' tare'nesi. A'mwera wijiwaainyangi yibaigi. Tiraginya yibaigi Godiyai magigaimwagyaji kwaji sara myi' kyidi' tiraginya tabwi, sara yabwi'mona."

³ Jisaasi sa'na widina/ma'maa'na "Naanga nebula'na kidibaiga. A'mwe pwai kwai ayagi mudigai myima'nyi yajai Godiyai maremwaardeba tinya mwanganyi yannelyi."

⁴ Nikodimaajai widina "A'mwe naangai mudigai yima'nya'na kadara yoji/ yaji yima'nadelaga? Pigasaa'i a'mwei kanaangebi munyawigi ayagiji wiraminyina kyaji kanaange' kadara maaraadelaga ayagwara?"

⁵ Sai sa'na widina "Naanga nebula'na kidibaiga. Kurya Tewaanyai a'mwe pwari aari myi' kyaji mudiga mwimwaagyi kyaji sai Godiyale maremwaaindeba wiradei migi! ⁶ A'mweraabire kwaimiraabyai migwi'naga yaginnagalyi. Godiyalei, kamire munyawigi Kurya Tewaanyai puramwaaina kyaji sai a'mwe Godiyale Kuryai kininnagalyi mudigai.

⁷ Kidime'na "Semi mudiga ayagi sima'nyira!" kidime'na atiga maru'nata myinnera! ⁸ Yigwija kami sa' kaanna wina yandebaamibisasi. Yigwija' kadiga wi'nandinyaagi "Samwinna wawade' taaga? Sabadaa'nyi pade' taaga?" Tandinyaagi mi'. Aawa. Sare'na Godiyale Kurya Tewaanyai kajajare

munyawigi pwiramwaaina yinigai mudiga yima'ni'. Mudigai tewaanna yanda a'mwera tinya wangamaigya'. Kumi mwangamaigya' aaya kaabilabi.

⁹ Nikodimaajai ma'maa'na "Nyindimaanya' kadara yima'ninigabaga?"

¹⁰ Sai widina "Yijireliyainaabire nedibwaagandinyaigi sabwi myabwiramaaryiginyaigi taaga? ¹¹ Naanga nebula'na kidibaigo. Nabysaa yabwiramaataanya yabwitaal yinggidibaigo. Tinya nabysaa wangandaanya yinggidibaigo. Sara yinggidibaigo'na nemire saliguragyabi mamaa'maigyasalablyira. Sabwi kadiga myibaigya sa' pe'na yibaigya'? ¹² Kwaaga tabagi yinigangina kyinggidima malimwaga'maigya'. "Nebulasi," sara maji yimaasa' Sugunyabi yinigangina yinggidimwija' kara tilimwagyindelabiraga! ¹³ Sugunyabina yiraawagai a'mwei pwai kwai mig. Sugunyabi A'mweraabine Kwaimiraabyai mwaaraga sabidaa'nyi sai yimbei waraaba'."

¹⁴ Kigaa' a'mwamaayaba Ne Mojiji kwaari'makamaala' yijabi pwiyaga widaakuna yaa'. Kamaalari makyryaagabaaimbi' yijabi tamaga'yana A'mweraabine Kwaimiraabyari sagibaaimbi' makyimbitedlyira. ¹⁵ Sagwai "Kajaijai nyilimwagaraji kaala wiyagaa'nebwii maarana!" kadaji sara makyimbitedlyira. ¹⁶ Sare' tare'nesi. Kwaaga tabagiyainaabina Godiyale kare naanga kwia' Godiyai neminyina kawaaribaanga yimberi nejabagalysi. "Kajaijai sagwari wilimwagaraji myiwawanna! Aawa. Kaala wiyagaa'nebwii maarana!" taga nejabagalysi. ¹⁷ Sare' tare'nanyi. Godiyai tina "Nyibwaaribaangai a'mweraabi kotiya'na maaryawibwaradela!" majaga myasaabya'. Aawa. "Nyibwaalibaangari a'mweraabina padaigasamaaja yima!" taga kwaaga tabagi yasaabina ya' Godiyai.

¹⁸ Kabwaalibaangarina limwagaja pwari Godiyai kotiya' maaryawibwatei mi'. Malimwagyaja pwai kotiya' mena yawibwa'nigalyi. Godiyale Kawaaribaanga yimberina kamire yeyabinaaji malimwagaryaja'na kotiya' mena tinigesi. ¹⁹ Kotiya'na tara tini' "Nemire kwaaga tabagi pwai nebula' nedibwaagaga'na Paagei waraabina yaga kiri' a'mwera kayaa'naya yandibisara kayaa'nayabwi siginyaburina wibwi'nagare. Paagerina wibwi'nagara mi'. Sare' tare'nesi. Kumi yandibisa kayaa'nayangira," sare'na tinigesi. ²⁰ Sare' tare'nesi. Kajaijai kayaa'naya yandei Paagerina similiga wimanigai Paageryimwinna mabyi yibani'. "Paageryaba pwara nimire kayaa'nayabwi nanyangambiga!" taga mabibani'. ²¹ Sara yandaasi kiri' pwai nebula'na tewaanna yandei Paageryimwinna nabysaa pibani'. "Paageryaba kwawa'muji pwara yabwsa'na 'Godiyan wiya sa tewaanna sibaniga!'" taga kaanna pibanigalyi. ³⁰ (Soni libamabya yaagai wijaa') "Kami Naangei nyabilabigalyi. Nimi naangeinyi myima'nimwineinyi. Nimi wabeinyi yima'nimideinyi," widina ya' Soni.

³¹ Munyabadaa'nyi tiraginyai waraabagai wiyainaabi newabilabigalyi. Kwaagebagidaa'nyi pwaina Kwaagebagiyaina kwaagebagiyabwi widina, kwaajii kwaajii yagaala widina yandaanyaine. Sugunyabidaa'nyai wiyainaabi newabilabigalyi. ³² Sai Godiyaryaba tewaanyaabwi tinya wanganagangi kadiga wi'nagangi sangina saliguragina. Sare saliguragina kya' kiri' aane pwai kwai kadiga wi'naga kamire yagaala' mwi'nya. Aawa. ³³ Pwai kamire saliguragya' taapina yage' yi "Gotiyai nebula'nayai!" tiraginna tina ya'. ³⁴ Sare' tare'nesi. Sagwari Godiyai yasaabina kya' Godiyale yagaalangi widibwaagina. Sare' tare'nesi. Godiyai sagwarina kamire Kuryari wijaabina ya'. Godiyai kamire Kuryari wabe'na wijaabagarina mi'. Naanga wiyabwi wijaabgarina. Godiyai kamire Kuryari yinagu wijaabaga'na sai Godiyale yagaala' nayaa widina neya'. ³⁵ Kawaaribaangarina Kaniimaangari tewaanya wibu'nanda yiraaya

yanda tiraginyaji wiyaji mwangina yanda widina "Wiya timaremwaara!" widagarina. ³⁶ Kawaaribaangari nabyaalimwagatei kaala wiyaga'a' wiyaga'a'nebwii kininnigalyi. Kwai Kawaaribaangari malimwagaradei kaalabwi tinya mwanganyi. Aawa. Godiyari sinya simiriga wiryabwi sagwari kuna wiwarigalyi.

13

Yagaraigimwinya mudiga'nesi.

³¹ Sarebidaa'nyi Sudaajai ya'ma'na yagagaa' Jisaasi widina "Tagaa' A'mweraabine Kwaimiraabyai paa'nigai yima'nimaga. Tagaa' kaminyina Godiyai paa'nigai yima'nimaga. ³² Kaminyina Godiyai paa'nigai yima'najai A'mweraabine Kwaimiraabyari paa'nigari wimwaaigadelyi. Yime'nyapi' paa'nigari wimwaaigadelyi. ³³ Nimnya kwaimiraabyalabi, tibi wabegaa'/ wibegaa' seminyaba kuna mwaageinyi. Pirina yapiji kiri' Sudaayaraabi widimwatebaaimbi' tagaa' yinggidibaiga. Nimi wimwijamwi tiwindelai mi'. ³⁴ Yagaraigimwinya mudiga' yinggijaabaiga. Singgya'mweraabina tewaanya yinggibu'nana! Niminyi seminyina tewaanya nyibuu'ndebaaimb'i seminyi singgya'mweraaabina tewaanya yinggibu'nana! ³⁵ Semi sara yinapiji saburidaa'nyi a'mwe wiyara seminyina yabwi'na 'Sagwara Jisaasilerera.' Yi seminyi wibu'nyabwi waraja' sara yabwi'na yinggyipitelabililyira."

Romi

16 Yo, sare' tare'nesi. Nimi yagaala tewaanyabina wagila manyibwa'nyandeinyi. Sare' tare'nesi. Yagaala tewaanya sa' kajarajara limwagapijaraabi Godiyai wibadaigasamaarya'ne sa' Godiyare tiraginiya ti'nagesi. Tiraginiya Sudaayaraabidaa'nyi nabaai Sudaayara mamwaaryigasaraabiji wibadaigasamaarya'nesi. **17**Sare' Godiyare pugwiyabi tara tinigabaaimb'i nanyi, "Pwai Godiyari limwagate sarerina 'Yida'maraangeri wimwaaigimwa,' tojiyai wiyagaa'kaala mwaaradelyi."

3

"Wiyagaa' a'mwe aane pwai yida'maraangei mi'," tinige'nesi.

9 Yi kadatarebinyyaga! Nemi Sudaayaina a'mwe pwaraabi wabilabaanneina tigaga! Aawa nebulysi. Sare' tare'nesi. Nemi sidasa'na tibi'na timwo "Yi wiyaina wagilyabi kwaagemwi mwaaigo inera Sudaayainaj'i Anga Pimagine (Kirikiya) kwaraji." **10** Sabaaimb'i tara tinigesi. Godiyaryaba yida'maraanga aane pwai kwai mi'. Arigemwinyi. Aane pwai kwai mamwaaryi'.

11 A'mwe pwai simunya wiwarigei mi'.

Godiyarina pwai piri'biryu yibanigei mi'.

12 Yi wiyara Godiyari yagary'a'ma'mwaasare.

Wiyara yiragureba waryaanyara yima'nimwaasare.

Nabwi'nyabwi yande aane pwai mi'.

Sasarei aane pwai kwai mamwaaryi'.

13 Taarisabidaa'nyi kirebudirinyabi newinibaniqa widandibisare.

Taarisasi kwaaji yagaala widandibisare.

Naawiinaanyale kwaaminya a'mweraabi tamagandebaaimbi'

Yagaala nabinabinya kayaaga yigalya'ne widandibisare.

14 A'mweraabi kayaaga tiraginna yigalya'ne

Yagaala kaya'a'nayanna paasiyagaala widandibisare.

15 Yigwikaannagera a'mwe tamya'nera

Yarai kaanyibe'na yamaryandibisare.

16 Kayaaga yigalagy'i'nera wina yadibi'

Taanginya kwaraarya wijaayi'nera wondibisare.

17 Kwaamu'nanyaburine nagarya' yabwiramaatibitara mi'.

Pwaraj'i abaaiji'munyabwi ye'mwannamwaaindibitara mi'.

18 "Godiyai Naangelyira," myabwiryi yandibi' Kumire tinyaraabi Godiyarine ligebwii mwaryiga.

Godiyale pukwiyabi sara tinigengira.

19 Nabaai sara tinigenna nemi yabwi'mwo. Wiya Kimwinya tinige nemi Sudaayaina saburi talaangemwi wir'a nata yigoina sara ya'ne tinigengi. Sare' kiri' Sudaayainaabina tajabwi yinggidimwebwi yi'wetawagya warigesi. Sarebidaa'nyi Godiyai yawiwbwata'negaa' nemirebwina "Sudaayajra maanga pipaina yipiga! Nabaai a'mwe wiyamwinyara niminyina yi'wetawagya sabwi kininnagera mwaaimbiga!" taga Kimwinya kininnigeinaabi talaangemwi nemaarurawagageine. **20** Sare'na tarebinyi. Godiyale yawiwbwata'nebwina Kimwinya saburi midinyabina "A'mwe yida'maraangeiginyi. Nimirreigninyi," Godiyai kira'a'naga aane pwari kwari widade' mi'. Aawa. Sare' tare'nanyi. Kimwinya sabwi nemire wagila saburi yine'na neyibwaridaakwibana gesi sagiri'na.

A'mwei Kiraajitiyari limwagajai yida'maraangei yima'nade'nesi.

²¹ Nabaai tagaa' Godiyai a'mweraabi kamire yida'maraanga sabwi kaminyi yida'maraangeraabi wimwaaigya'nebwi wi'na neyibwaridaakwagebuliyi. Sa' kimwinyaburaabi midinya'nebidaa'nyi myima'nyagesi. Aawa. Sa' piribi yima'nagesi. Kiri' pigarigurya Kimwinyasi wi'navidibwaagyaasaraabire tinigesi nabwi'nya yida'maraanga tajabwina salikuraginigesi. ²² Yi Jisaasi Kiraajitiyari limwabijaraabina Godiyai "Yida'maraangeraabi nimireraabi wimwaaigimal!" tadeliyi. Yi limwabija wiyyaraabinesi. Sare' padaigasamaasabwi tare'nesi. A'mwe Sudaayarebwi nabinyabwi mi'. Anga naanga pimaginya pwai kwarebwi nabinyabwi mi'. ²³ Sare' tare'nesi. Wiya a'mwera Sudaayaraji anjimya wiyyangiyaraji wagilya'nebwi yandibisare. Godiyai paaga tiraginyasiyaryaba menyaba mwaagiasare. ²⁴ Sasareraabi Godiyai yange'na tewaanna wigaimwanda Kiraajitiyai Jisaasiri kamaryasaaba' sagwai ayagi mubya yamaaryi'nei sara kya' Godiyai "A'mwe yida'maraangelalyira. Nimirelalyira," widina. Sa'na sagwara mamubyandibisare. Sa'na Kiraajitiyari sigumalesi. ²⁵ Sinyamwi Gotiyai Kiraajitiyari tagilagagei paraga kamire tawe' a'mweraabire wagila sa' mumbya'ne' waraabgesi. Gotiyari a'mweraabire wagilyabwina sinya tiga widaebulyi. Kiraajitiyari limwabijaraabina sinya tiga sabwi mumbamaaras'i'nya'nei paragelyi. Yi nabaai sasare saburi Godiyai "Nimi yida'maraangeinyi yida'na yandinyainyi," neyibwaridaakwagebuliyi. Sare' tarebinyi. Kigaa' Godiyai kwaamu' kabe yemwaainda a'mweraabire kayaa'nayanna yeta sabwina wanganagina. ²⁶ Kiri' "Godiayi yida'maraangei migal!" nadipindiga!" taga tadagaasagaa' Godiyai "Nimi yida'maraangeinyi yida'na yandinyainyi," taga sara neyibwaridaakwia'nei Kiraajitiyari maryasaabagelyi. Sasare saburi Godiyai kami sai yida'maraangerina neyibwaridaakwanda yi a'mwe wiyyaraabinei Jisaasiri limwagajarina "A'mwe yida'maraangelyi. Nimirelalyira," tandelyi. Yi wiyyaraabi wilimwabijaraabi sara widaedelyira.

²⁷ Sarebidaa'nyi Godiyai "Yida'maraangelalyi," nedage'na yi nagarya' a'mweraabine yebya mákyiry'a'nebwi kaba wariga! Yi wana aawaawa. Nagarya sari' kaanya mena lig'i'ngesi. Nagarya tajarigi peri' tagarigi'nari? Godiyale Kimwinyaburi midinya sabi tigaga? Aawa. Sabina mi'. Aawa. Kiraajitiyari limwanga saburi sagiri' nagarya sarigi kalalimwaman'i. ²⁸ Sare' tare'nesi. Nemi tiraginna tara tandaanyi "Godiyai a'mwei Kiraajitiyari limwagajari tibaniigelyi 'A'mwe sai yida'maraangelyi. Nimirelalyira.'" A'mwe Kimwinyaburina yaamiji yune midinajarina Godiyai sara majandelyi. ²⁹ A'mweraabine yebya mamakiry'a'ne' pibwi tariga? Tare' sabwiryla! Godiyai sai Godiyai Sudaayaraabinannei taaga! Anjimya wiyyangiyarajiyyaraabine Godiyai mindaaga! Yayo! Godiyai sai anjimya wiyyangiyi pwara kwaraabijinelyira. ³⁰ Godiyai kambe pwaina Naangelyi. Sarebi Sudaayara kiraageji' kurya tatibisara Kiraajitiyari limwabijaraabina "Yida'maraangerera," tanda nabaa'i anjimya wiyyangiyara kiraageji' kurya madabyandibisara Kiraajitiyari limwambijaraabinaji abaaaina tibaniigelyi. ³¹ Sarebidaa'nyi limwanga tajabi yida'maraangeina yima'nandaanya'na Kimwinya sabwi tada'baimaigona? Arigemwinyira. Aawa. Kimwinyabwi nebulya'na yida'na maridaakwia yibaigo.

¹ Sarebidaa'nyi yi tagaasagaa' Kiraajitiyai Jisaasiri wiramwaaigasaraabina yagaala yawibwata'ne sidata'ne mwaryi'. ² Sare' tare'nesi. Kiraajitiyai Jisaasi yagebi Kuryai kaala kijaabanderebwii kayaa'nayabulyi yune naanga paryabulyi saburaai mena wila kyitalamaara'. ³ Yi sare' tare'nesi. A'mweraabire kiraagejigiyi yabwita sabina kimwinyabwi yi'neina waryaanyaina mwaago'na Kimwinyabwi kayaa'nayaburi padaigasamaa'na myi neyannebuliyira. Sara myi yande' Godiyai sara yagesi. Godiyai kamnya Kabwaalibaangeri maryasaabagelyi. Sarei a'mwe kayaa'nayaimbii kiraanigei yima'nagelyi. Kami a'mweraabire kayaa'naya pwaramarasi'nyi'nei waraabagelyi. Yi a'mweraabi kayaa'nayabwi wirarigeburi Godiyai sida'na kya' Kiraajitiyai a'mweraabineba kayaa'nayanne tibigita'na paragelyi. ⁴ Godiyai neminyina "Sagwara kimwinyabwi taginiga yida'maraangengi yuna yandibisaraabi wimwaaigima!" kada' sara paragelyi. Sareina a'mweraabire kiraagejigiyi yabwita sabi kaanya myamaranyaandaanyi. Aawa. Nemi Kurya Tewaanya sari kaanya yamaranyaandaanyainaabinesi. ⁵ Sare' tare'nesi. A'mwera a'mweraabire kiraagesiyara kumire simunyangi kiraagejigiyanna yabwiririgitibisare. Nabaai Kuryaryiyara kumire simunyangi Kuryalenna yabwiririgitibisare. ⁶ Sare' tare'nesi. Kiraagejigiyi simunyabi a'mwe sara yune naanga paryabwi Godiyarina kimaja yiremwaaryabwi maa'maigasare. Yi nabaai Kurya Tewaanyale simunyabi a'mwe sara kaalyasi simunya kwaamu'nyayasi maa'maigasare. ⁷ Sarebi kiraagejigiyi yabwita sa' simunyangi maremwaarajara Godiyale yigamaangera yima'nimwaasaresi. Kiraagejigiyi simunya' Gotiyarina yigamaangesi. Sare' tare'nesi. Sagiri' Godiyale Kimwinyabi wira'nate' mi'. Tare'nesi. Yi nabaai sagiri' sara yiniga yanne' mi'. ⁸ Kiraagejigiyangi mwaaindibi' a'mwe sarera Godiyari yiraaya wigarya'nera mamwaaryi yipinere.

⁹ Sem'i kiraagejigiyangi mamwaaryiga'. Aawa. Godiyale Kurya Tewaanyai seminyi wirayinggimwaaindori Kurya Tewaanyari wiramwaaigasalalyi. Nabaai, yi pwai kwai Kiraajitiyale Kurya Tewaanyai maayai a'mwe sai Kiraajitiyalei mi'. ¹⁰ Nabaai Kiraajitiyai seminyi wirayinggimwaarajai yi piri' taresi. Kayaa'nayabwine'na semire kiraageji' paradejigira. Yi piri' taresi. Seminyina Godiyai "Yida'maraangelai nimirelalyi," mena yinggidage'na Kuryai kaala mena yinggimwaaiagelalyi. ¹¹ Godiyai Jisaasiri painigeraabyamwi yidigaabagere Kuryai seminyi wirayinggimwaaindanari Kiraajitiyai Jisaasiri paryari yidigaabagei semi parapijiyagaa' semire kiraagejigi kaala yinggiaabadeleyi. Kuryai seminyi wirayinggimwaaindebi kiraagejigi kaala yinggiaabadeleyi.

¹² Yi sarebidaa'nyi, nya'mwelai, nem'i tibigita wijaabya'ne kininnageine. Tibigita sa' Kurya Tewaanyari mwaaryi'nesi. Kiraagejigiyi yabwisangina tibigita aawa. Nem'i kiraagejigiyi yabwisangina mwaaryi'ne tibigita mwaryi'. ¹³ Sare' tare'nesi. Sem'i kiraagejigiyi yabwisangina mwaaimbija'yi sem'i yune naanga tibaryira. Kiri' Kuryale tiraginyaabi semi kiraagejigiyi yabwisa ya tamagipi'ja'yi kaala timwaaryindelalyi.

¹⁴ Sare' tare'nesi. Godiyale Kurya Tewaanyai kajarajaraabi wibwaridaakwibanigera yi sagwara Godiyale kabwaalibaangere. ¹⁵ Sare' tare'nesi. Semi Godiyarina liga ayagi ya'ne' karabujiwamwinyabi yinggyidiwagamaremmaara yinggyande Kuryari mamaaryesalyi. Aawa. Kabwaalibaangeleri yinggimwaaiagaga Kuryari maaresalyi. Yi sagwari, nem'i Godiyari saga tandaanyi "Tataala! Nimwala!" ¹⁶ Kuryai kami sagwai nemire kuryaraji nem'i Kiraajitiyari limwandaanyaabina tara saligurakibani' "Gotiyale kwaimiraayalalyira." ¹⁷ Nabaai Godiyale kwaimiraayaina

mwaraaja' Nimwai sare wiya tewaanya maraadeinera. Piri' taresi. Godiyale wiya tewaanya maraadeinera. Piri' taresi. "Kiraajitiyalyi paaga tiraginya' maraana!" tawaaji Kiraajitiyalyi taanginya ye'mwannamaraaja' Kiraajitiyai wiya tewaanya maarade ye'mwannamaraadeinera.

Pigari gurya' Yibiruyaraabinesi

Kamire Kabwaalibaangei tagebi Godiyai nedage'nesi.

1 Kigaakuna kwala naangegaa' Godiyai kaminyi wi'nawidibwaagyaraabi simunya pininna piri' widina, pininna piri' widina. Yi sara kuja'a sagwara nemire Ne sinyamwinyaraabi simunya nabinabinya pibura wijaasara kwaraaryare. **2** Kiri' nabaai tagaa' aayagasa Godiyai yagaala nedage' kamire Kabwaalibaangei nedagesi. Sagwari Kanimaangele wiya maaryi'neri Godiyai mena tagilakagelyi. Nabaai Kabwaalibaanga sagwari Kwaaga tasi sugunya kirisi Godiyai yabigaryaagengi. **3** Kabwaalibaangei sagwai Godiyale paaga tiraginyabi libamwaja naangelyi. Yi neminyi Paaga naanga nemwadandelyi. Sagwai Godiyari abaaina nebulya'nayalyi. Kamire yagaala tiraginya kininnige' tanda wiyangi tiraginya yibaimwanda wiya sarengi limwagatelyi. Kayaa'nayangine tibikisa tuimwagasita yi'ne' sagwai wamwinya yunebanna yi'mwannaga Kingiya Naangei munya kepeba mwaariegele aangajimagi tiraginnigeba mwaara'.

Godiyale Kabwaalibaangei enjeliyara mamaayaraabi wabilabigerinesi.

4 Kabwaalibaangei Kanimaangeri yebya tewaanya nawi'nyaange' mena maarage' yi mamaayaraabire yebyabi wabilabagabaaimbi' yi'sasare sagiribi kamisi sai mamaayaraabina naanga nebulya'na yima'nagelyi. Yi sagwara sari kwaagemwi wira'nagasaki. **5** Sare' tarebinyi. Sinyamwi sagaa' Godiyai mamaayarajiyi aane pwai kwari tara mwija'
"Kimi niminyi nyimbwaalibaangeiginyira.
Tagaa' kimaamaangeinyi kimwaaiigimweiginyi."

Kiri' Kabwaalibaangeri sara wida'. Yi sagwai mamaayarina ayagi mwija'
"Kaminyi kanimaangeinyi yima'nimideinyi.
Niminyi nyimbwaalibaangei yima'nadelyi."

6 Kiri' Kwaagebagi mwaayaraabyimwinna sagwai kamire aaya mudigwaimiraabyari makwaraabagegaa' sarei ta' "Mamaaya wiya Godiyainyirera sagwari yiraaya nabysa maripiga!" **7** Nabaai sagwai mamaayaraabina tara ta'
"Kamire mamaayaraabi yigwijapisaraabi wimwaaigandere.
Kamire widaayandibisaraabi titaarisapisaraabi wimwaaigandere."

8 Kiri' Kabwaalibaangerina tara ta'
"Godiyaigi, wiyagaa' wiyagaa'ne kinginamwaaryisabi timaremwaaidieginyi.
Kimire a'mweraabi kingiyisarisi yida'nanyabwina yawibwaramaremwaaindinyaigini

9 Kiminyi yida'maraanga sabwina tewaanya kibu'nandeiginyi.
Kimwinyangi kalajegibaryabwina similiga kwimwaarigeiginyi.
Midininyabidaa'nyi Godiyainyikimire Godiyainyi yirewelyia' kidingeiginyi.
Yi weliya taja' kiminyi yiraaya kyigalageiginyi.
Sa'mwera yibaiginyabaaimbi' yiraaya yibaigtatara mi'."

10 Nabaai Kabwaalibaangerina tara ta'
"Naangeigi sinyamwi Kwaaga tada' wagyaanyaiginyi.
Nabaai sugunya' kimnya ajiraalyi yabigaryaanyaiginyi.

11 Wiyabaai yinagu kayaaga yinyina yadebaalyi.

Kiri' kimi aawa. Wiyagaa' mwaaindinyaiginyi.

Wiyabaalyi wiya piniji aya yima'nadengi.

Paaj'i'ma'nya piri' aya yima'nyina yadebaaimbisangi.

12 Yi yibija aya' ki'mwagakina yadebaaimbi'

Kimi wiya sangi tigi'mwagakideiginyi.

A'mwei paaji'ma'nya yadaigamaa'na yandebaaimbi'

Kimi wiya sangi yadaigamaata sidengi.

Kiri' kimi yuna sana timwaaindeiginyi.

Kimire kwaramega' wi'na yiawade mi'."

13 Pigaa' kigaa' Godiyai mamaaya tarajiya pewari widagelaga!. Aawa. Kab-waalibaangerina tara tini'

"Kimi nimire aangasiri tiraginyaaba timwaara!

Kiminyi talaangemwi wira'narya'negaa'na yigamaangeraabi kwagimidegaa'nayi."

14 Aawa. Mamaayara yi sagwara kuryarerera. Yi kurya sagwara Godiyari widaayandibisare. Godiyai a'mwera kamire yuna padaigasamaaryi'neraabina kaimwagya'ne mamaayaraabi maryaa sandere.

Pigariguri Mud'i'naya' Yidabagasi.

Kaalaburi Aaya Kaabilai, Godiyale Yagaalarinesi.

¹ Tarei sinyamwi/ sinyimwi kigaakuna Kwaaga taba' myima'nyamwi aayamwidaa'nyi mwaryagarinesi. Sareri Nedasaabandeina wi'midinoi kadiga wi'norina. Sareri nemire tinya wanganorina. Sareri yabwiranganorina. Sareri nemire aja mwanganorina. Sagwai Godiyale Yagaalai wiyagaa' wiyagaa'ne kaalaburi aaya kaabilarinesi. ² Kaalaburi aaya kaabi tajagwai ku'maayabanna yima'naabina kya' nemi tinya wanganorina. Tinya wangano'na nabyya saliguraganda yinggidandaanyi. Wiyagaa' wiyagaa'ne kaalaburi aaya kaabilai kigaakuna Nimwaryi ye'mwannamwaaryaagalyi. Sare sai ku'maayaba neyijiwaainadaa'nyi sari tinya wanganorina. ³ Sagwari tinya wanganona kadiga wi'no sarina seminyiji yinggidibaigo. "Nemiji abaajimunya ye'mwannamwaaraana!" tona yinggidibaigo. Yibaai nemire ye'mwannamwaarya' taresi. Nimwaryi kamire Kawaari' Jisaasi Kiraajitiyaryi abaajimunya ye'mwannamwaayaagoinera. ⁴ "Abaajimunya ye'mwannamwaarya'nebina yiraaya naanga yinebanna newarana!" tona yagaala taja' yida'maigo.

Godiyai Paagerinesi.

⁵ Yagaala ta' Kiraajitiyai kaneda' kadiga wi'nona yinggidibaigo. Sa' taresi. Godiyai paagebi aaya kaabilalyi. Sagwari siginya wabe aane piri' kiri' mwiwarigalyi. ⁶ Sare'na siginyabi kayaa'na mwaaindaa kwaaji taaja' "Sagwaryi abaajimunya ye'mwannamwaageinyi," kwaaji yagaala tandaa yagaala nebwinia sa'neburi myibaigo. ⁷ Aawa. Paagebi tewaanna mwaaindebaaimb'i paagebi tewaanna mwaaraaja'na Kiraajitiyale pwaraji abaajimunya se'mwannamwaago. Yibaai tewaanna mwaaraaja'na Godiyale Kawaari'baangai Jisaasile tawebi nemire kayaa'naya wiyabwi nemaarasihanda tawe sagiri' kiriga neduumwagasi'nade'nanyi.

⁸ Nemire tinityina "Nimi kayaa'nayabwi kuneinyira," tinaaja' simunyangi kwaaji yabwitaanyainera. Sarebi nebula' nemire simunyangi wiranewate' mi'. ⁹ Nemire kayaa'nayanna saliguraginaaja' Godiyai "Kumire kayaa'naya maarasi'nima! Kumire kirigisa'naya wiya, yi yida'maraangabwi maaya wiyaburi tuimwagasi'nima!" taji "Kayaa'naya maarasi'nimideinyi," tiniga'na nabyya limwannigai, yida'maraangai mwaarigai sara yadelyi. ¹⁰ Yibaai Godiyai neda' "Wiyalabi kayaa'naya yigasalabilyira." Sarebidaa'nyi nemire "Kayaa'naya myigeinyi," tinaaja' Godiyarina tina "Sagwai kwaaji yagaala tandelyi." Nemire kwaaji sara taaja' kamire yagaala' nemire simunyabi wiranewate' mi'.

2

¹ Nemire kwaimiraabya wabelabi, yagaala taja' pigariguri yinggidawasibaiga. Semire kayaa'naya myipine'na "Widibwaagima!" tena yinggidawasibaiga. Sare' kiri' a'mwe pwai kwai kayaa'naya' yaja' neminyine kayaa'nayanna Nimwari marewidandei mwaari'. Sagwai Jisaasi Kiraajitiyai yinda'maraangalyi. ² Sarei nemire kayaa'nayanna Godiyari sinya simiriga widebwii mubamaarasihinyinei paragalyi. Nemirennna yimbenna mi'. Aawa. Kwaaga wiya tabagi'yara anjimyaraabine kayaa'nayannanyira.

3*Godiyale kwaimiraabyainaabinesi.*

¹ Yidaanyi! Nimwai neminyine kare naanga wimagelyi. “Nimire kwaimiraabyara,’ dima!” taga Kiraajitiyari limwandaanyainaabina kare naanga windeine. “Godiyainyire kwaimiraabyarera,” tage’ nebulasi. Kamire kwaimiraabyainera. A’mwe Kwaagebagiyabwinera Kiraajitiyarina myabwiresabina “Kamire kwaimiraabyarera,” maneyabwiribaigya’. ² Nyibu’nandelabi, tagaa’ nemi Godiyale kwaimiraabyaine. Tibi nemi pewarabisaina yima’nabaadeinaabaga? Sabi myabwiranganyaine. Kiri’ nemi tara yabwi’mago. Tibi sagaa’ Kiraajitiyai ku’maayaba yima’naabadegaa’ kami sagwaimbi’ yima’naadeine. ³ Yibaai sai tewaanyai kirigisa’naya kunei mwaarigabaaimbii’ a’mwe kajaijai sagwarina sara yemwaarigai Kiraajitiyarina tewaanyai yima’niбанигали.

5*Jisaasi Kiraajitiyaria saliguragya’nebwinesi.*

⁶ Tajagwai Jisaasi Kiraajitiyai aaryabi libamabya yabinesi kamire tawe’ waraabaga paragabinesi Sugunyabidaan’nyai waraabaga’nanyi. Yine aari libamabya sabwinebina waraabagai mi’. Aawa. Aaryabinebwinaji tawebinebwinaji waraabagalgyi. Kuryai nebulabi aaya kaabilarine’na Kurya sagwai yagaala sa’na saliguragadelyi. ⁷ Saliguragya tabaai tasa warigannanyi. ⁸ Yi pwai Kuryai, yi piri’ aarya’, yi piri’ tawe’. Tabaai tata sa yagaala yimbe piri’naya’ salikuragandesi. Saliguragya sa’ taresi. Jisaasi Godiyale Kawaaribaangalyi. ⁹ A’mwera saligurapipi’ “Nebulasi,” tandaanyi. Yidaanyi! Godiyai saliguragya’ a’mweraabirebi wiwabilabigasi. Sarebidaa’nyi Kawaaribaangarina Godiyai nejaliguragande’ nebulasi. Godiyale saliguragya tare’nanyi. Jisaasi Nyibwaaribaangalyi. ¹⁰ Godiyale Kawaaribaangari limwandei kamire simunyabi saliguragya sa’ wiwarigalyi. Godiyarine’ malimwagandei tandelyi “Godiayi kwaaji yagaala tandelyi.” Godiyai Kawaaribaangarina “Niminyidaa’nyalyi,” saliguragya’ malimwagande’na tandelyi “Kwaaji yagaala tandelyi.” ¹¹ Saliguragya taresi. Godiyai wiyagaa’ wiyagaa’ne kaala’nebwi nejaabagasi. Kaala’ne saburi kaabil’ Kawaaribaangari wirawiwariga. ¹² Sarebidaa’nyi Kawaaribaangei kininnigei kaalya’ne sabwi kininnigelyi. Godiyale Kawaaribaangai maayai kaala’ne sabwi maayalyi.

¹³ Yagaala taja yinggidawasimaaba. Godiyale Kawaaribaangari limwandibisalabi, “Wiyagaa’ wiyagaa’ne kaala’ne sabwi kininnigeine,’ tipiga!” tena yinggidawasimaaba.

Godiyai

Mudi'na Yamaaja 1:1 Kunegaa' Godiyai mwaryaa'. Sinyamwinyagaa' wiya wagyaa'.

Soni 1:18 - Godiyari a'mwe Kwaaga tabagiyaina wangandaanyarina mi'.

1 Soni 4:12 - Godiyari tinya wangandei a'mwei aane pwai kwai mi'.

Ayagi Maaryabi 33:20 Godiyai wida' "Nimire sinya' tinya manyangandinneiginyira." (Baaruya Yabandaigasamaata 33:20)

Soni 17:3 - Godiyai nebulyalyira, Nawi'nya kambelyira.

Godiyai A'mweimbi' (simunnagei, kare wiandebulyiyai, yabwitei)

Seramaayai 10:10 Naangei Godiya nebulyalyi. Sagwal Godiyai mwaaindelyi.

Apojeliyara 14:15 Godiya nebulyai wiyagaa' wiyagaa' mwaaindelyi.

1 Tejalonaaiiga 1:9 Godiya nebulyai wiyagaa' kaala mwaaindei.

Yiredaaja 94:11 Naangei wiyainaabire simunyangi mena wanganigelyi.

Godiyai Kuryalyi (kilaaga maayai)

Soni 4:24 Godiyai Kuryalyi. A'mwei migo.

1 Timoti 1:17 Kingiyai wiyagasa maremwaaindelyi. Sagwai wiyagaa'nei mabalyandelyi. Sagwari tinya mwanganyaandaanyalyi. Sagwai kambe pwainanyai Godiyalyi.

1 Timoti 6:16 Mabaryi yi'ne aaya kaablyai kambelyi. Sagwai paaga naangeba mwaari'. Sagwari wangandei a'mwe aane pwai kwai mi'.

Godiyai kambelyi

Pigasaarine Kimwinya 6:4 Naangei nemire Godiyai Naanga kambelyi.

Aajaayai 44:6 Sinyamwinyainyi. Aaya tibineinyi. Nim'i Godiya kambeinyi. Pwai aawano.